



## Universitätsbibliothek Paderborn

**R. P. Sebastiani Henrici Penzingeri, Consistorialis  
Passaviensis, Decani, & Parochi in Trauttmansdorff ad  
Laitam Bonus Ordo Triplicis Formatæ Concionis Moralis In  
Omnia Festa Sanctorum In Amplissima ...**

**Penzinger, Sebastian Heinrich**

**Solisbaci, 1698**

Concio Prima. Textus Evang. Homo quidam Nobilis. Lucæ cap.19. Thema:  
Timor Domini nobilitat.

[urn:nbn:de:hbz:466:1-51763](#)

IN FESTO SANCTILEO-  
POLDI.

## CONCIO PRIMA.

Homo quidam nobilis. Eccl. 19.

Textus.

Timor Domini nobilitat, &amp; beatificat.

Thema.

**S**anguine nobilis S. Leopoldus, animo nobilior, quia Exordium. ab infantia timuit Deum, sic Ecclesia orat in hodie-  
no officio: *Relucebat in adolescentia cum Dei timo-  
re, summa vita integritas.* Nobiles ergo, id est,  
hunc telices, excellentes, ac beatos facit, timor Domini. Pul-  
chro emblemate hoc expressit ingeniosus Symbolista, nempe  
lubri illa piscina probatica. Joan. 5. *Movebatur aqua, & sana-  
batur unus.* Academicus epigraphen subdit: *Turbata salutem.*  
Sic timor Domini indubiam anima adfert salutem, omnemque  
nobilem felicitatem: Audiamus Sacram Scripturam: *Multa bona* Textus Sacrae  
Scripturae.  
*habebimus, si timuerimus Deum, & recesserimus ab omni pec-  
cato, & fecerimus bene.* Tobiæ cap. 4. *Beatus, qui timet Do-  
minum, potens in terra erit semen ejus, gloria & divitiae in do-  
mo ejus.* canit David Psalmus 111. *Timor Domini, gloria, &  
gloratio, & latitia, & corona exultationis.* docet Ecclesiæ c. 1.  
SS. Patres libeat percipere: *Timor fundamentum est salutis,* ii. SS. Patres.  
*mendo cavebimus, cavendo salvi erimus.* scribit Tertullianus Tertullianus.  
lib. de cultu foemini. Conformiter S. Augustinus in Ps. 147.  
*Territi præcavemus, præcaventes, securi erimus; timor præsens,* S. Augustinus  
*securitatem generat sempiternam.* Solus est Dei timor, qui men-  
tes corrigit, fugat criminâ, innocentiam servat, & omnis boni  
tribuit facultatem, tradit S. Chrysostomus Serm. de Joanne  
S. Chrysost.  
(Yy) 2 Bapti-

*S. Bernardus* Baptista. *Timor Domini radix & custos est omnium bonorum.* dicit S. Bernardus tractatu de dopis S. Spiritus. *Non potest timere barbarum, qui timuerit Salvatorem, non potest mettere s. Ambrosius hostis impetum, qui Christi precepta servaverit, precepta enim Christi, arma sunt Christianis, & divinus timor, timorem a viribus repellit hostilem.* perorat S. Ambrosius Serm. 1. de Elian. *Quemadmodum quercus demissis altius radicibus, nullius venti viribus sternitur; ita animam divino confixam timore, nolle tentationum ventus evellet.* verba sunt S. Chrysostomi hom. 53. in Joannem. *Sicut impossibile est, ut cælum non sit dominus terræ, & non adjuvet eam; sic impossibile est, ut misericordia Dei non protegat eos, qui timent eum.* tradit Hugo Cardin. in S. Gregorius. Pf. 102. *Anchora cordis, est pondus timoris.* scribit S. Gregorius lib. 6. c. 24. *Tenendum est, animam Dei timore, velut maro obseptam, fortem esse, & quodammodo invictam.* scribit S. Cyrilus lib. 2. in Isaiam cap. 16. Concludo cum S. Ephrem Serm. de timore Domini. *Non est inter homines major illa, qui timet Dominum, & anima Dominum timens felicissima est.* Invocatâ S. Spiritus gratiâ audiamus Conceptus.

## CONCEPTUS I.

*Confirmatio.* Timorem Domini S. Laurentius Justinianus Anchoram vocat lib. de perseverantia cap. 3. cur anchoram? anchora neficio, navis in medio mari, tuta sistitur, anchora firmat navim, ne ruat, ne mergatur: Academicus expressit Lemmannus hoc pondere tuetur. Timorem Dei ergo Anchoram Justinianus vocat, utique ideo: sicut anchora navim firmat in mediis undis, ne fluctuet, vertatur, ac mergatur; sed fixa, firma consistat, si timor Domini hominem, qui quasi navis in mari hujus mundi, a ventis temptationum impeditur, ne ruat, labatur in peccatis, sicutque in profundum inferni demergatur, tuerit, in gratia Dei firmum, ac stabilem custodit, & conservat. Ita concludit etiam

tus Sanctus: *Timor stabilem reddit gratiam sicut anchora stabilem navim facit, anchora namque mentis est pondus timoris.* Item produco Jobum: O quot tentationum fluctus hunc virum impetrivere, ruina domus, chara pignora; filii, & filiae omnes occiduntur, o dolor! de Cœlo ignis deciduus multa millia ovium concremat, & incinerat, hostis ditiones devastans, boves, camelos prædatur, Job ad stipem redactus, undique orbis & pauper, insuper à planta pedis usque ad verticem capitis ulcere pestis sauciis, in simeto derelictus, desolatus jacet. o tribulations! o miseria! in tot, & tantis adversitatibus Job, firmus, inconclusus permanet animo, & mente, *in omnibus his non peccauit Job, neque stultum quid contra DEUM locutus est.* cap. 1. Quid in tot adversatum procellis, navim hanc, Jobi animum, inconsum, infractum, fixum, firmum, conservavit? conservavit, firmavit, fixit timor Domini. Audiatur Job. cap. 31. *Semper enim quasi timentes fluctus timui Deum.* Quām bellè S. Chrysostomus hom. de fide Annæ: *Sicut procellarum furorem, & insaltus, nauclerus sua peritia frangit, & eludit; ita timor Dei omnium temptationum potestatem sua virtute superat.*

## CONCEPTUS II.

Ecclesiasticus; timorem Domini Radicem intitulat: *Radicem sapientie est timere Dominum, & rami illius longævi.* cap. 1. Cur timorem Domini dicit esse radicem? Radix arborum, & plantarum fundamentum, ac subsistentia est, si fundamentum solidum, ac fixum est, ædificium forte, ac stabile esse concluditur; si radix profundè fundata, & tenaciter terræ, ac fondo inheret, arbor duratura longos in annos conjicitur. Arbori comparatur homo: Marci cap. 8. *Video homines veluti arbores, radix sit timor Domini: initium sapientia timor Domini:* si nunc in corde hominis timor Domini firmiter radicatus fuerit, hic homo stabilis erit, in gratia Dei, firmus, & constans in nobilibus virtutibus, dives & abundans fructibus divinarum benedictionum. Ita Hugo Cardinalis in hunc locum: *Sicut radix in fundo*  
(Yy) 3.

fundo terra est, sic timor Domini in profundo humilitatis tenet hominem, quanto altius crescit aro, & ramos suos attollit versus cœlum, quod plures etiam proficiuntur, tanto profundiores jacit radices sub terra. Optime scripsit Rabanus in cap. 1. Eccles. Quanto quis magis Deum timet, tanto quis sapientior appareat, & quanto sapientior, tanto plenior fructibus bonorum operum, non enim timor Dei est auctor, sed donus virtutum replet vitam hominis, & thesaurum sententiae spiritualis cor ejus illustrat.

### CONCEPTUS III.

S. Propheta Isaías cap. 11. narrat & enumerat septem dona Spiritus Sancti: *Requiescat super eum Spiritus Domini, Spiritus sapientie, & intellectus, Spiritus consilii, & fortitudinis, Spiritus scientie & pietatis, & replebit eum Spiritus timoris Domini:* Notare libeat Isaiam timorem Domini ultimum loco ponere; diximus timorem Domini fundamentum esse, & timore spiritualis animæ, fundamentum omnium primò ponitur, & de timore Dei signatè erudit David Psalmus 110. *Initium sapientie timor Domini:* quomodo ergo Isaías timorem Dei ponit ultimo locum postremum assignat? si primum, ac fundamentum, beatitudinis animæ, est timor Domini, quomodo etiam rectè ponitur ultimum, finis, ac complementum? an fors ideo à Davide timor Domini initium dicitur, quia timore Dei, gratia, & favor divinus, virtutum nobilium incrementum acquiritur? ab Isaia autem timor Dei ultimo loco recensetur, quia timore Dei acquisito, Dei gratia, divinus favor, & benedictio, virtutum incrementum, in secula stabilitur, in posteros, ac familias transplantatur? sic mentem meam subscriptit Petrus Cellensis lib. de psalmis cap. 1. *Quasi custos super innumeras gazas, sic timeret Domini in ultimo chariūatum ponitur ad conservandū innumerabiles gratias.*

CON-

## CONCEPTUS IV.

Sapientissimus Salomon Eccles. cap. 40. inquit : *Timor Domini sicut Paradisus benedictionum.* Paradisum vocat timorem Dei, cur Paradisum ? in Paradiso omnis erat perfectio, cum perfectione abundantia, cum abundantia suavitas, & delicia ; Hic fructus perfectissimi, abundantes, & suavissimi, in quantitate, & qualitate colligebantur. Timorem Dei Paradisum sapientissimus nominat, ad indicandum, timore Domini fructus perfectissimos, virtutum, donorum, ac gratiarum, acquiri, ac colligi. Ita affirmant Carthusianus, & S. Bonav. *Quoniam sicut in Paradi so est affluentia amoenitatis, & miri decoris arborum, & herbarum, & fluminum, & gemmarum; sic timori annexae sunt beatitudines, consolationes, & merita.* Scribit Carthus. & S. Bonav. habet in diaeta Salutis 6. cap. 1. *Timor Domini habet amoenitatem, sicut Paradisus dulcedinem, & delectationem,* unde in Psalmo: *Quam magna multitudo dulcedinis tue Domine, quam abscondisti timentibus te.*

## CONCEPTUS V.

Jacob benedicturus filios suos à Ruben incipit: *Rubens primogenitus meus, tu fortitudo mea, & principium doloris mei, prior in donis, major in imperio.* Genes. 49. Per hæc verba Jacob omnes prosperitates, ac benedictionis fructus, nemp̄ quod tot hæredibus auctus, divitiis, ac temporalibus bonis cumulatus sit, tot è periculis ereptus, à tot hostibus defensus, efficaciaz, & meritis filii Ruben adscribit: quare Ruben ? Richardus in Allegor. Thylm. afferit: in Ruben DEI timorem adumbrari; & de eodem timore sub hæc metaphora Jacob loqui; cum ait Ruben: ejus invictæ fortitudinis fuisse principium, & etiam salubris pœnitudinis exordium: audiamus formalia Richardi: *Per Ruben intelligitur timor DEI, rectè ergo primogenitus, quia timore*  
*Dei*

*Dei omne bonum inchoatur ; recte fortitudo dicitur , quia per timorem domini , cor contra concupiscentias roboretur .  
Dei timor ad cœlestia excipienda dona , aditum aperit , & accepta fulcit .*

## CONCEPTUS VI.

David 2. Regum cap. 23. inquit : *Locutus est Israhel dominator hominum , justus dominator in timore Det.* Notat Abulensis , quod David Deum bis dominatorem vocet : *Dominator hominum , justus dominaror* : Cū bis dominatorem intitulat Responder Abulensis : quæst. 3. DEUM , Davidem bis dominarem intitulare , ut doceret , Dominum DEUM omnibus creatris dominari jure majestatis : sed specialiter dominari timoratu , teneriori affectu , ac favore , attendere : verba Abulensis fixant : *Quamquam Deus sit dominator omnium , tamen specialiter illorum , qui timent eum , quia ipse specialiter attendit ad illos .* Deus se timentes speciali regit providentia , & sollicitior prorsus cura , bis benignus , bis liberalis , bis providus in eos , qui ment Dominum .

*Epilogus.*

Hortor ergo verbis S. Laurentii Justiniani ligno vitæ capi : *Quicunque desiderat sapientiam , & scientiam repleti , & quietari Spiritu monitus anhelat pertingere ad culmen virtutum , non aliundè incipiat , quam à timore Domini , nam ne timor est robur animæ , lumen intelligentiae , & spes salutis .*

Amen.



IN FESTO